

## بلا استئذان

ناداني وقال وحشتيني وقلبي رافض إنه يحن  
وعمري بيجري ويصارع  
وحالف ميت يمين ويمين بأنه يودّع الغربية  
ونفسه يعيش ويمشي ف سكة مجهولة  
وبسهولة يبيع اللي اشتراه برخيص  
كأن اليوم دا وامبارح وبكرة كمان  
ساعات بتمر فوق جسر الحياة والروح  
تعلم فيها قسوتها بلا استئذان  
وناوية تزيد كمان وكمان  
بترمي ف سكتي إنسان  
يبان إنه شريف لكن.. حرام إنه يكون إنسان  
ماتستغربش من حزني ولا تبكي على دموعي  
أوان الحب ودّعني وعدّي العمر  
لا فيه ذكرى لحلم جميل ولا مشهد ما بيننا يسر  
وداعي ليك مالوش لازمة لأني عمري ما نسيتك  
ولا أقدر أعيش يوم بيك حياتي رواية تتدرس  
بدون مونتاج  
وأحلى بداية ح اكتبها أكيد مش ليك  
ما راح العمر ع الفاضي وماتت فرحتي بإيديك